



PL

248

S225Z23

Sabit, 'Ala'eddin

Zafername

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

2688

8a/252



Sābit, 'Alā'eddīn

ظفر نامہ، ثابت

—  
سلیم کرایک بر غزا سند در .



برنجی طبعی

Zafername

---

معارف عمومیہ نظارتک رخصتیلہ طبع ایدلمشدر

---

قسطنطنیہ

۱۲۹۹

مطبعة ابوالضياء - غلطه ده عرب حامی اتصالده - عدد ۸




PL

248

S225Z23

مطبعة أبو الضياء



سلطان سلیمان ثانینك انكروس سفرینه  
مأمور اولان سلیمکرای نامنه در.

کل ای رخس کلک سخن کیرو دار !  
جدلکاه معنایی قیل پرغبار .  
فضای بلاغتمده بر طوز قویاز !  
چنخیر اندیشه دن سوز قویار !  
کل وسوسنك ماجراسن کیدر !  
سپردن، قیلجدن کتور بر خبر !  
یتر پیمش طره مشک بند،  
آطوپ طوتمق ایستر کمان و کند .  
یتر وصف زلف کره در کره !  
کوزوم خلاقه لندی مثال زره .

یتر غمزه کافر ایله ستیر  
 او دعوایی فصل ایلسون تیغ تیر  
 یتر مدحت یال و بال بتان  
 خرامنده اولسون نهال ستان .  
 سواران میدان شناس خیال  
 بو وادیلری ایلسون پایمال .  
 کهندر بو بنیاد خاطر خراش  
 خراب اولدی قالمادی طاش اوزره طاش !  
 بودعرا که بیک کره مسموعدر ؛  
 آنک استماعیده ممنوعدر .  
 نیچون وصف قیسه اولور بسته دل ؟  
 کوکل منت اللهه مجنون دکل .  
 اوروب نظم لیلی و مجنونه ال  
 دلیه سوز آتمه صاقین واز کل !  
 نه در کار و بارک بر ارغاد ایله ؟  
 باشک درده اوغرا تمه فرهاد ایله !  
 اوسنک بلادن ایدوب گفتکو  
 دلیه طاش آندرمه در اشته بو !  
 نیدرسک کوروب قصه وامق ؟  
 نه شیطانی کورده نه « لاحول » اوقی !



صاقین صوگه اوصاف پرویزه دست !  
 یاقار آدمی اوپله آتش پرست .  
 لسانه آلوب شیرینک آدینی  
 بوزارسک مدد آغزیگک دادینی !  
 سن ای خامه اوغرانماش سمت بول !  
 آیاق باصمه دق یرده جولانکر اول !  
 زمین بول که هیچ باصمیه یاد آیاق !  
 نه مجنون قویه ال نه فرهاد آیاق .  
 ایدوب شاهمردی کلکی بکار  
 تلمدن سخن قصرین ایت استوار !  
 چیقار طاق کردونه دک بر بنا !  
 که خورشید اوله آکه عالم نما .  
 اودیوان نظمک درین قیل کشاد !  
 کاوله هفت منظر بوسبع شداد .  
 قلاغیسی درکار ایکن تیغ وار  
 برایش کسسه طبع جواهر نکار  
 مبادا که مانع ظهور ایلیه  
 بوشوق دلی پرفتور ایلیه !  
 بو آیامه جائزدکل اعتماد ،  
 قویار کاهی لیمان ایکن تندباد !

بومجلسده شهنامه خوان مقال  
 بیان ایتسه بر قصهٔ پر خیال .  
 ایدوب خاص بر اختراع نفیس ؛  
 خوش آینده ودلیسند و سالیس .  
 تصرف ایدوب ؛ بکر مضمونلری  
 که ملک یمینی اوله اکثری .  
 الک عورتی ملکه کیرمسون ؛  
 « بکمنزسه یاران قیرین ویرمسون ! »  
 کتور ساقیا جام آتش وشى !  
 ایچوب قح ایدهم دجه دانشی .  
 کیروب ضبطه کنج فصل و بیان  
 اولهم ملک نظمه بدیع الزمان .  
 مغنی کتور سنده طنبورگی !  
 بدید ایله بازوی پر زورگی !  
 فراغت ایدوب کهنه آغازه دن  
 نوا ایله نو بسته تازه دن .



جلوس سلطان سلیمان ثانی و آغاز داستان ظفر نامهٔ خانی.

وقایع نویسان ملک مقال ،  
 قلمرو کشایان صاحب کمال ،

دواتن ایدوب، کرز دست هنر؛  
 سخن قاپوسن بویله فتح ایتدیلر :  
 شو دملر که شاهنشاه ماء وطن  
 معظم جهانیان روی زمین  
 شکوهنده خاقان کیتی ستان  
 مهابتلی سایمان سلیمان خان .  
 ایدوب تخت کوهر نیکاره جلوس  
 کلوب ایتدی انس و ملک دست بوس .  
 سپهرکینه ال و یروب، دولتی  
 طلوع ایلدی کوکب رفعتی .  
 ایدوب بیعت اعیان دین و دول  
 او قطب جهانداردن آلدی ال .  
 ینه طوردی دیوانه انس و ملک  
 اولوب دسته بردسته تا عرشه دك .  
 حشر در حشر اوز که دیوان ایدی ؛  
 همان بارگاه سلیمان ایدی .  
 یدی قبه آتنده یدی وزیر ؛  
 چو سیاره سبعة مستنیر .  
 شرف بولدی دیوان عالی ایله،  
 صدور کرام و موالی ایله .

اولوب باد احسان شاهی بدید  
 قباردی شیشوب عرق صوف سفید .  
 باشی تللی چاوشلری پرسرور  
 سلیمانه ظل افکن اولمش طیور !  
 صولاقلر که هب صاغدر ایشلری ؛  
 یولندن سپور مکده بخشلری .  
 نمایان ایدوب فر روین تنی  
 سپور که یله قیرسون همان دشمنی .  
 نوله اولسه اول طائفه برهنز  
 کیمک اوجاغنده سپور که چار ؟  
 زر اندوده یوکلکله بکتاشیان  
 برر شاخلی کر کندر همان .  
 کیمچهرده دامنلری پرده در ؛  
 در قححه کویا نمد پرده در .  
 ایدوب شاه مرجان کبی یر یوزین  
 صولتمز قرار دشمنک بوینوزین .  
 صبا سیر پیکان صرصر شتاب  
 بسر طاس زرینه چون آفتاب .  
 نوله شعله سی اورسه اعدایه داغ  
 که بابا عمر دن یاقار لر چراغ .

قاپوپ تاج خورشیدی آتسه بسر  
 بابا اوغلیدر بونلر اتمز ضرر .  
 چتال بایراق ایله یمین و یسار  
 شهنشاه حیدر دله ذوالفقار ؛  
 کوزینه کیرر دشمن پرغمک  
 ایکی اوغلی پیکانیدر رستمک .  
 ووجه شبه حق بوکیم راست در  
 قبا ی شهنشاهه چبراست در  
 اولجه سرکار بیعت تمام  
 ویرادی چیقوب بخشش خاص و عام .  
 تر قیله احسان ایدوب عسکره  
 یکیدن قول اولدیلر اول سروره .  
 نخستین تداییر پابسته دن  
 بورای رزین اولدی صورت فکن .  
 واروب ادرنه شهرینه شادکام  
 سفر امرینه ایلیه اهتمام .  
 مکمل تدارکله اول بهار  
 چکوب تیغ شادابی چون جویبار  
 جنود ظفریار ایله فوج فوج  
 ویره دشمنه طلقه لاق هچو موج .



تدارك اولندى مهمات كوچ،  
شهشه ستانبولدن ايتدى خروج .  
وداع ايليوب تحت، استانبوله،  
همان ادرنه ديدى كيردى يوله .  
نوله ايتسه دولتله تبديل آب  
ايدر برجدن برجه نقل آفتاب .  
سپه درسيه خسرو جهم شكوه  
جهان درجهان و گروهها گروه !  
او تحت قديمه بولنجه وصول  
همان روح ايدى ايتدى جسمه دخول .  
صدور ايتدى فرمان عالم مضاع  
كه جمع اولدى اجناد مهر النماع .  
وزيران اطرافه صالدى بريد  
سفر امر ايدر پادشاه جديد .  
اولاق كتدى پاشالره بلكره  
جلاسن هز بران هر كشوره .  
مكمل قيوكزله فصل ربيع،  
اولك ادرنه شهرينه مجتمع .  
نويسندگان عطارد قياس  
بلاغات شناسان معنى شناس،

قریم تحتک خان خاقانہ  
 فضای جہادک زیمانہ .  
 بفرمان شاہنشہ بحر و بر  
 بر عبرتنامہ نقش استدیلر .  
 مضامین غراسی شوق و غرام  
 مزایای زینندہ سی احترام .  
 مالی بوکیم : خان قاآن نژاد  
 سرآمد سرافراز حیدر جہاد .  
 نمایندہ فرّ کیخسروی  
 طرازندہ تخت فرمانروی .  
 جہانداور کیقباد کلاه  
 فریدون درفش و سکندر سپاہ .  
 تہمتن شرف قہرمان بنام  
 زیمان ہدف سام رستم سهام  
 ہلاکو خدم شاہ اوکتا وزیر  
 سلیم خان غازی خدیو دلیر .  
 ایدوب ابلق عزمی زیر ران  
 کلہ باب ہوشنگہ اول قہرمان .  
 ایکی پادشاہ خرد منقبت  
 کلوب بریرہ ایلہ مشورت .

امور ممالکده تدبیر ایدہ  
 بد اندیش اقبالی تدبیر ایدہ.  
 لقاطیٰ ہنگامہٗ رزم و کین،  
 امور کرا نمایہ شرع مبین.  
 مفوض اولہ خان دریا دلہ؛  
 غزائشہ مستنصر عاقلہ.  
 بدست برید صبا ترک تاز،  
 ورود ایتدی اول نامہٗ دلنواز.  
 اجابت بیوردی همان دعوتہ؛  
 بنوب عازم اولدی در دولتہ.  
 مثال معبر خط مشکبار،  
 طوز و تمش کلیر یوللری پر غبار.  
 شہنشاہ دورانہ کلدی پیام؛  
 کہ یاقلاشدی دولتلہ خان بنام..  
 همان شہریار سلیمان جناب،  
 وزیر سرافرازہ ایتدی خطاب :  
 « وارک جملہ اعیان و ارکان ایلہ !  
 « مکر بسته خدّام دیوان ایلہ !  
 « بو مہمان ذیشانہ تکریم ایدک !  
 « رعایت قیلک جملہ تعظیم ایدک !

« نزول ایتدیرک عز و اقبال ایلہ !  
 « آنکچون مہیا اولان منزله . »  
 سوار اولدی دستور آصف شکوہ ،  
 رکابنده خیل و خشم کوه و کوه .  
 کوموش صولجانلره چاوشلر ؛  
 کہ رفعتده طوپ سپہری دوکر .  
 صبا منقبت شاطران رکاب ،  
 شرف منزلت پیک صرصر شتاب .  
 سران سپاہان یمین و یسار  
 قیلج سیم و ترکش جواہر نکار .  
 مطمئن اغایان زرین سرج ،  
 صفوف عدوی ایدر ہرج و مرج .  
 مکرم وزیران آصف خصال ،  
 مفتحم اہیران صاحب کمال .  
 فحول انام و صدور کرام ،  
 بتخصیص مفتی نعمان مقام .  
 کاینغی دآب تعظیم ایلہ ؛  
 ہزار احترام ایلہ ، تکریم ایلہ .  
 حشر در حشر ، صف بصف طور دیلر ؛  
 مبارک رکابینہ یوز سوردیلر .

آلائی ایلہ مستقبائین کبار ؛  
 دوشوب اوکنه خوش دل و کامکار .  
 دعار قیلوب، سرور عادلہ  
 سعادتلہ ایندیر دیلر منزله .  
 کتور ساقی خوش کلدی جامک بکا !  
 بلورسک بنم اشتیاقم سکا !  
 قاوشدر بو مشتاق کام دلہ !  
 اول آرام جان، اول مرام دلہ !  
 مغنی کتور سازگی نغمہ قیل !  
 ولی بوسدک فصلک ایستر کوکل .  
 بو وصلت مقانده ای بی وفا !  
 مناسمیدر هیچ مخالف هوا ؟



ملاقات شدن شاه عالیجاه، با شهنشاه سلیمان سپاہ .

دم صبح کیم داور روزکار،  
 بو تخت زبر جدده ایتدی قرار .  
 قیلوب قالم صبح دیبای کورک  
 جهانہ کیوردی اوشاه بزرک .  
 او طوردی چیقوب، تختہ شاه جهان،  
 سلیمان ثانی صاحبقران .



یتہ طور دی دیوان محشر نمون  
 قیامت شکوہ و آہت فزون .  
 عجب مزد خیمکاه ایدی پیش و پس  
 کہ دللرہہ باغلاندی راه نفس !  
 مہابت نمایندہ انبوه ایدی ؛  
 نہ دیوان کہ یکپارہ برکوه ایدی !  
 سواقاقر طولی استیف ایدی همان  
 یولہ صیغمر اولمشدی خلق جہان .  
 اولوب سر بدامان حور و ملاک  
 اوزاقدن بقاردی بوسیرہ فلک .  
 مہی یانکسیچی صانوب ، آفتاب  
 زرین ایتدی پنہان جیب سحاب .  
 عجایب نما خلعت خسروی ؛  
 مجوہر کیم ابلق پهلوی .  
 سحر دن جہانبان فرمانروا  
 سرافرازہ کوندردی اسب و قبا .  
 کلکھوشہ سن مہ مماس ایلش ؛  
 قدم رنجنی التماس ایلش .  
 بنوب ، حضرت خان خاقان تبار ،  
 او اور عازم در کہ شہریار .

شرف در شرف، شوق در شوق ایدی .  
 صفا بر صفا، ذوق بر ذوق ایدی .  
 جهانبان عالم ده مشتاق آکا  
 کوزی یولده چون جام عالما .  
 اینوب رخشدن سرافراز زمین  
 هبوط ایتدی مرغ چرخ برین .  
 یدی پرده دن یکدی کردون کبی  
 ال اوستنده خط همایون کبی !  
 کلوب بریره ایکی خان عظیم ؛  
 بری خان سلیمان، بری خان سلیم .  
 قیام ایلدی؛ شهریار بنام ،  
 ایدوب، خانه دنیا قدر احترام .  
 دخی کورماشدی بو حال سپهر  
 کله بریره ایکی رخشنده منهر .  
 زهی صنع حکمت نمای اله !  
 قران ایتدی بر برجده ایکی ماه !  
 بری ماه ایدی، ییری خورشید ایدی ؛  
 بری خسرو و ییری جمشید ایدی .  
 بو افرا سیاب، او خاقان ایدی .  
 بو اسکندر، اول سلیمان ایدی .

کھر پاش او لجه او ابر شرف،  
 بو ایلردی پهنای کوشی صدف .  
 بو ایتدکده تحریک کلبرک آل،  
 او قرط صفادن اولور ایدی لال .  
 بو اولدقده کاریز نخل مراد،  
 او دامن رغبت ایدردی کشاد .  
 او دستان سرای اولسه بلبل کبی،  
 طوتاردی بو کوش صفا کل کبی .  
 او بوندن فیوضات ایدوب اقتباس،  
 بوئک سرّی صالیدی آکا انعکاس .  
 عجب صحبت ایتدی ایکی اهل دل،  
 که دلار مزایایه واقف دکل .  
 نه صورت که باغلاندی اول سینده،  
 ظهور ایتدی عکسی بو آیینه ده  
 بوئک جام قلبنده کی راز لر،  
 اولوردی؛ او مرآتده جلوه کر  
 دیدی : خان سلیمان کردون سریر  
 که « ای سرافراز تهمتن نظیر!  
 « نهدر دشمن امرنده تدیرکز ؟  
 « مهیامی جیش جهانگیرکز ؟

« یوزه چیقدی کافر چو خط عذار »  
 « قیلج ایستر اول نآراشیده کار »  
 « دوکوب آب شمشیر آتش وشی »  
 « سونک کرک بوفتن آتشی . »  
 « سر عسکرلرین قهر ایدوب، یك پیک »  
 « بو عقر بلك باشن ازمك کرک . »  
 « سز کله اولوب یکندل و یکجهت »  
 « اولک سز بزه بز سزه قول [ قنت ] »  
 « یك آهنگ و یکروی اونوب شیروار »  
 « صلام ایکی یوزلی شمشیر وار »  
 « کمر بند همت اولک درمیان ! »  
 « بودملرده غیرت سز گذر همان . ! »  
 ایدوب دست بر سر خدیو سلیم  
 دیدی : « ای مهین ظل رب رحیم  
 « همان سز کوکلدن ایدک همتی ! »  
 « بزمدن بودین مین خدمتی . »  
 « حلول ایده چون فصل ارد بهشت »  
 « قیلوب ارض غبرای عنبر سرشت . »  
 « خروج ایده چون داور نو بهار »  
 « چکوب لاله دن کرز مرجان شکار . »

« سحابك فيوضاتي ساری اوله !  
 « شه آزرک حکمی جاری اوله !  
 « بتوفیق پروردگار نصیر  
 « مهیا ایدم بر سپاه کثیر .  
 « خروشان اولوب، نو بهاران کبی  
 « آقنار صالام ابر نیسان کبی .  
 « تاتاری صالوب، صاغنه صولنه،  
 « بر آتش اورهم دشمن او جاغنه .  
 « تاتار آتشی تیر و پیکانی آب،  
 « جهان آب و آتشدن اولور خراب .  
 « هله بزدن اقدام وسعی عظیم  
 « عنایت خدانکدر الله کریم .  
 دعا ایلدی پادشاه ولی .  
 چکوب صدرینه خان صاحب دلی  
 ایکی قطعه صورغوج قودی باشنه،  
 بهایتمه کترین طاشنه .  
 بلندن ایدوب، خنچرین دخی نزع  
 الیه مکر بندینه قیلدی وضع .  
 جواهرلی بر ترکش بی عدیل،  
 فروزان چوریش پر جبرائیل .



کونش کی برخلعت پر ضیا  
 که سمور شب قاپلی ایدی آکا .  
 حضور شهنشده کیدی همان  
 بر عنقا اولوب، خان قاف آشیان .  
 چکلدی رکابنه بر آل رخس  
 که آتش ستیر ایدی آتش درخس .  
 مرصع رکاب و مجلی جام  
 مزرکش بجیم و مجوهر سنان .  
 ایدوب پادشاه جهان و داع  
 رجوع ایتدی اول ماه مهر التماع  
 چالندی همان سورنای طبل کوچ  
 کلوب لرزه چرخ ذات البروج .  
 سوار اولدی؛ اول سرفراز جهها  
 ایدوب سمت مشایه عطف عنان .  
 بو ائاده تقدیر رب مجید  
 ظهور ایتدی بر اوز که برد شدید .  
 (کلی) یه کلنجه سپهدار و داد  
 صغوق چیقدی یوللرده حددن زیاد !  
 قنی ساقیا جام آتش نما ؟  
 صغوق چهره، کوستردی دوران بکا !

کتور منقل خھی میدانہ سور !  
ایصنسون بوسرما زد پرفتور .  
مدد، ای مغنی محرق کریز !  
اوفور آتش نایکی تیر تیر !  
سن اولدقجه آهناک ساز فصول،  
طوتام بنده مجلسده بربر اصول !



صفت شتا ووصول موکب خان بهشتا، آمدن طابور کفار  
ورفتن باستیصال آن گروه .

قیلج کبی کلدی زمان شتا،  
کسر تیغدر تندباد صبا .  
اولوب چین برچین ابر آسمان،  
یوزندن یره زهر آقاردی همان .  
آیاغن اوشتمش کبی جویبار،  
جیب سپهر اوستنه باصدی قار .  
جهان اولدی غرنده دیو سفید  
آکاینججه ابر عمود جدید .  
یاطور قشله ده کشته لردر خیاض،  
که برف اوستنه تننه چکمش بیاض !

خیاض اوزره قار طوی کیم آقدر،  
طبقلرده کلنار بر آقدر .

چاقیل طاشی خوض جمد ریشه ده  
شکر پیزی کوستر شیشه ده .

مکر جامه شوی اولدی چرخ برین  
کوپورمش صودر برف، تکنه زمین !

آصوب یخدن آویزه لر جابجا،  
جهان موجی دکایدن کویا !

یا برد العجوزه کوموش شانه در،  
فرو هشته یخ سیم دندانه در .

زمین کیدی بر کرک قائم جدید،  
صیقلدرده یخ قورچاقلر سفید .

صالوب اشترا دهره چرخ عتیق،  
کلیر یه کون جانبدن دقیق .

زمین بقلوا تبسی سیدر مکر،  
یایوب یوققه سن برف سکر دوکر

صیقلدرده رهوار کردونه باق !

صیقلدرده یخ پاره صالقم صیقا !

فلک کاسه در زهر برد ایله پر،

زمین مرتبایسنی چاتلادر،

شراب دو کوب، قیردی طوفان بوزی،  
 او یوزدن اولوب، قاندی قان قاربوزی.  
 میک جرعه سی پر جعد طاسده،  
 قزل فویه در فص الماسده!  
 خطب کشارک بوز دوشوب ریشه،  
 «بیقلارینی بالطه کسمز» هله!  
 سپهرک کوگر در یوزین زمهریر  
 نوله دتره سه طور سه مهر منیر!  
 شبانکه چاتلار سحرله نبات  
 نجوم اوتدیریر دیشلرین چات چات  
 ایدوب تیشه کهمکشانه شتاب  
 طبردار ماهه ایب اولمش شهاب.  
 خیال ایتمه برق سمنّا دوشر!  
 فلک یوللره آق دیبا دوشر.  
 کلیر دیو دشتایه خان دلیر،  
 بقاردی طوروب، یوللره چرخ پیر.  
 سعادتله چون خان عالیجناب  
 کلوب قشله یه خوش دل و کامیاب.  
 شتا فصلن ایتدی او قدسی سرشت،  
 دم پر فروغیله ارد بهشت.

(کلی) شهری کیم خانه مشتا ایدی؛

جماليله بر باغ رعنا ایدی .

ریاحین عدلیله شهر و دیار

زمستان ایکن اولدی حرّم بهار .

ایدوب سایه رأفتنده حضور؛

رعایا مطیب بر ایا شکور .

کل و نرکس آسا شه لجه جوش

اولوب جانب دشمنه چشم و کوش .

درخشنده تیغ قضا در میان

قدوم بهاره بقاردی همان .

ضمیرنده کیم لوح محفوظ ایدی؛

بومعناى زیننده ملحوظ ایدی :

که ترتیب ایدوب لشکر بی شمار

قیله انکروس دشمن خاکسار (۱)

ولی بوسپهر مشعبد نمون

ایدوب طور به دن غیری صورت بیرون

فلک بر ایکی یوزلی آینه در؛

که برجانی صورت کینه در .

(۱) انکروس اونغروآز محفیدر که مجاردر .



سپہر اطلسینک نہ در چارہ سی ؟  
 کہ اویمز بری برینہ چارہ سی .  
 غزایشہ خاقان کرشاسب رزم ،  
 ایدرکن بومعنائی اجرایہ جزم .  
 قریم تختکاهندن ایردی پیام ؛  
 کہ مسقو قیلوب ، پای غدرہ قیام .  
 بر اوباش لہلہ ایدوب ، اتفاق  
 طاشوب کلش اول سیل خیر شقاق .  
 فساد اوجنہ ایشلر عروج ،  
 کلوب قوم یاجوجہ وقت خروج .  
 اغرقلہ اول فوج دوزخ قرار ،  
 زمینہ اغر باصدی کلبوس وار .  
 « قریم آطہ سی دیو جان آندیلر ؛  
 « کلوب طاش کیسی کبی چاندیلر !  
 « یتشمزسہ گز ایش دیکر کون اولور  
 « قریم آطہ سی لجہ خون اولور .  
 ایدوب خان غازی بو پیغامی کوش ،  
 یم حشمی دریا کبی قیلدی جوش .  
 ہمان دعوت ایتدی دلاورلی  
 شناسندہ کاران نیک اختری .

دیدی : « ای دلیران روشن ضمیر !  
 « نیجه اولمق کرک بو امر خطیر ؟  
 « پیلورسنز که عهد ایتشنز خان ایله ؛  
 « عدالتلی سلطان سلیمان ایله .  
 « آلوب چند تاتاری اوّل بهار ،  
 « باصدهم نمچه اقلینی سیل وار .  
 « بوصورت دخی ایتدی عرض جمال  
 « چتاللانندی ایش تیر رستم مثال !  
 « سفر وقتیدر ؛ شمدی نیتک کرک ؟  
 « بونک هانکی یانه کتمک کرک ؟  
 « اکر نمچه یه ایلسهک اهتمام ،  
 « قریم ملکینی مسقو ایلر تمام !  
 « چکر سهک اکر مسقوه تیغ تیر ،  
 « بری جانبه نمچه ایلر ستیر ! »  
 دیدی کاردانان مشکل کشا  
 که : « ای پادشاه مظفر لواء !  
 « بفضل جهان خالق بی نظیر  
 « سزه سهلدر بویله امر عسیر .  
 « ظفر آیته تیغ نصرت بکف  
 « ایدک مسقوک طابورین برطرف !

« اوخار غمی دامن ملکدن  
 « قوپارسون دلیران لشکر شکن .  
 « واروب صکره شاهنشہک پاینه  
 « بلا داغن اور نمچه نک جانه  
 بوتدییره تحسین ایدوب پادشاه  
 بیوردی که : « یلسون سران سپاه ! »  
 سمند جهادین ایدوب، زیران  
 سوار اولدی؛ سیرغه ذال زمان .  
 خیال ایتدی؛ کردون اوحالاتده  
 بدیع الزماندر؛ سماواتده .  
 رکابنده حاضر سران سپاه  
 مزرکش بحیم و مرصع کلاه .  
 دوشوب آردینه ایتدی لر التمام؛  
 نجوم ایدی آنلر اوماه تمام .  
 ایدوب امر سرعتده جد عظیم؛  
 طوزین کورمدی قالدی پیک نسیم .  
 خدنک آتسه دریش اولان منزله  
 قالوردی وراسنده صد مرحله !  
 دکل ظل محروطی، شام تار  
 قودی سایه سن یولده اول شهسوار .

کیدوب روز و شب جد و الغار ایلہ ؛  
 صبا منقبت خنک رهوار ایلہ .  
 بدید اولدی آلتنجی کونده قوناق  
 [ لب اوزیده ] منزل [ قفلجق ]  
 خوشا سعی و اقدام صاحب دلی  
 دیار [ قریم ] قنده ؟ قنده [ کلی ] ؟  
 بو اسفندیار، اول غزا هفت خوان،  
 بورستم، او پیکار مازندران !  
 یورولمشدی یتاب اولوب یاتدیلر؛  
 اوکون اول محله قرار ایتدیلر .  
 یورولدم کتور ساقی برجام صاف !  
 که ترتیب اولنسون صفوف مصاف .  
 عمودین کتور باکہ بزم جہک  
 قیرہم بوینوزین نرہ دیو غمک .  
 مغنی بر آوازہ تازہ قیل !  
 حزین صوت محرقلہ آوازہ قیل !  
 کہ بن داخی طبل دواتی آلام !  
 بو مجلسده برچنک حربی چالام !  
 §

بیکار کردن خون جنکیر تبار، با طپور اعدای برکننده کار.  
 کریمخان آن گروه حسران مال، از پیش سپهدار فرخنده فل.

صف آرای میدان نظم آوری؛

هنر منقبت خامه داوری ..

شرفنامه فتحی تذهیب ایدوب،

سخن صفترین بویله ترتیب ایدوب،

سحر که که خورشید شمشیر بدست

ایدوب جیش طابور شامی شکست.

پریشان ایدوب، لشکرین کوکب،

قراسن دخی کورمدیلر شک!

سوار اولدی خاقان رستم مصاف

او بر قهرمان رخس غرنده قاف.

نه نازنده رقاص اولور جلوه کر

زمین دف، جلاجل کوموش نعلار!

فروزنده برکستوان چراغ

تماشا ایدن جانہ داغ اوستی داغ.

رکابن پناه ایلوب، ماه وش

مزرکش کله میرزادر؛ کونش!

نوله جوشن ابری ایتسه نقاب،

زره پوش ایچ آغاسیدر آفتاب.

اولوب چرخ نه، طقوز قات آلاي  
 کونش طبل زرین، شعاع کرّه نای .  
 یاخود دشمنک قهر ایچون وقت کین  
 طقوز قات صالقدر سپهر برین .  
 یردن قوپوب، اول آلاي مهیب  
 قیامت قویاردی سپهر عجیب .  
 صقلدی غبار سپهدن جهان  
 شفقدن کونش قان قشانندی همان .  
 طریق غزایه اولوب، مهتدی  
 همان دشمنک طابورین استدی .  
 دم چاشت اولدی؛ بنا که بدید  
 سیاه بر توتون، قعر و بن نابدید .  
 توتونلر چیقوب، چرخه اژدر کبی  
 چویرمکده کردونی محور کبی .  
 قرالتیلر آصمش، که چرخ کبود  
 سواد عظیم اولمش اول قاره دود .  
 قره طاغدر سر کشیده بیمخ  
 که اشجاری رمح ایدی؛ اشجاری تیغ .  
 دخان عتو ایله اول قاره طاغ  
 ویریر طورمه شمشیر طغیانه زاغ .

لسان آشنایان پر خاشور،  
 طالبوب بحر هیجایه [دل] آلدیلر .  
 کهر پاش اولوب، خان زرین سنام  
 سؤال ایتدیلر؛ عسکرندن پیام .  
 دیدیلر که : « ای خان مالک رقاب !  
 » اولند قده بوجع کثرت حساب،  
 » قطاره قاتلمدی؛ چوق خر کله  
 » قیلج دار اوجنده یوز بیک کله .  
 » ایکی بیکدن آرتق اولو طوپلری  
 » [قلنیور نه] در [شیغه] در اکبری .  
 » بو عسکر که کثرتده یأجوجدر؛  
 » الک ادناسی همسایه عوجدر .  
 » بو طابوره نسبتله سز ذره سز !  
 » بو بر بحر عمان سز قطره سز !  
 اولور کن لعاب ایله رطب اللسان  
 اوچوب کله سی دل کسلدی همان !  
 لساندر دلاک کله سن کسدرین  
 مثلدر بو کیم : « دل اسن باش اسن ! »  
 بوسودا فکن سوزلری دللرک  
 بولاندیردی صفراسنی عسکرک .



حقیقت عدویه اولنسه قیاس  
 بر آوج ایدی چند یزدان سپاس .  
 طیانسونمی بر مختصر مرز بوم  
 که یتش ایکی ملت ایتش هجوم !  
 عجب مختلف هیئت اجناس ایدی؛  
 مکر قافدن کلمه نسناس ایدی .  
 نه طابور که بر قله قاف ایدی؛  
 اولهلیلر دیو لفاف ایدی .  
 اکر [ اوشت ] دیو ایلسهك بر خطاب  
 ویریر عوعوهیله جوابی کلاب .  
 چوبوقدن پکرسك اکر يك بیک  
 چیقارنده میون النده شیک .  
 قایش باغلو موزیله اهل شرور  
 جهانیه قایش بالدر ایتش ظهور .  
 ایدوب آرقه سنده سیر استوار  
 مکر قاپلو بغه در اول نابکار !  
 الن قویننه صوقسه اول قونجوس  
 کیرر صان که قیل طور بهیه استاقوس !  
 میاننده ترکش که پر تیردر؛  
 همان طوت که بر او قلی خنزیردر .

جلنکیده فرض ایت که یالذیلیدر .  
 ینه بر یککدر که بوینوزیلیدر .  
 مترس ایجره آلاته پکهنز امک  
 نه قازمه کورر ایش نه تخته کورهک .  
 جوهرس ایتدی خان ضمائر شناس  
 رؤسای عسکرده خوف وهراس !  
 اشارت قیلوب، مفتی فاضله  
 مسیحا نفس پیر صاحب دله .  
 که فیض هویتله اول ارجند  
 ویره چند اسلاده بر نضح وپند .  
 بفرمان صاحبهقران دلیر  
 قعود ایتدی؛ بر توده خاک اوزره پیر .  
 کلیم ایدی کویا که بوکوه طور  
 عصاسیله اول پشته اوزره بونور !  
 او بر برج شرف بومه انوری؛  
 او توده سپهر ایدی؛ بومشتری .  
 ایدوب نقل آیات بر بینات  
 دم عیسی وش کوستروب، معجزات .  
 او خوش لهجه رقت انکیر ايله  
 بو پر حالت انفاس دلخیر ايله .

جهاد آیتن نقل و تفسیر ایدوب،  
 غزا فضلنی خلقه تقریر ایدوب،  
 دیدی : « قوچ یکتلر که هب طوغدیلر :  
 » بودنیا به قربان ایچون کلدیلر .  
 « نه دنیای فانی، نه دولت کرک  
 » بزه یا غزا، یا شهادت کرک !  
 « قنی بر بو کونکی کبی یوم عید ؟  
 » اولور سهك شهید ! اولدیریر سهك سعید .  
 « مراد آلا جق قوتلی کوندر بو کون ؛  
 » دلیرانه بایرام ؛ دو کوندر بو کون .  
 « قالان غازی به نام و کام نکو  
 » شهیده تماشای دیدار هو .  
 قوپوب خلقدن بر غریو اینن ؛  
 که صارصلدی نه طاغ چرخ زمین .  
 ایدوب سنکی یاقوت سرخ اشک خون،  
 اولوب ارض غبرا شقایق نمون .  
 واروب سجده به خان تقوی پناه،  
 ایدردی مناجات او ظل آله .  
 سیه خا که دوشمشدی نور سفید،  
 زمیندن اولوب، یاسمنلر بدید .

دل خاص و نیت خاص ایله .  
 دعا ایلدی؛ صدق و اخلاص ایله .  
 دوز چوریلور باشی اوزره فلک  
 ال آچشدی آمیند کؤکده ملک .  
 شام آلدی؛ کل فیضدن رایحه  
 دعار قبولیچون « الفاتحه » !  
 اسوب باد کاریز نصرت بدید  
 طاسلاندی رایات سرخ و سفید  
 بو طرز اوزره ترتیب اولاندی؛ صفوف  
 آلایلر قوروب، طوردی اهل سیوف .  
 اولوب صاغ قولده جناح یمین  
 آلائی فوردی؛ قانعی اوسلطان دین .  
 یسار ظفر باره شمشیر وار؛  
 کجوب طوردی؛ دهشتله بر شیر وار .  
 صفی خان ایسه قلبده جان کبی  
 دل پاك مؤمنده ایمان کبی .  
 اولوب اوچلرک همتی رهنمای  
 هجوم ایلدی؛ اوچ طرفدن آلائی .  
 قورولدی؛ ینه بزم و رزم و غا  
 مثلث کتوردی؛ قضا کویا !

بویاندی؛ می خون ایله یر یوزی  
 قضا صوندی؛ اعدایه اشقر کوزی .  
 عجب نخل بند ایدی تیر دودم  
 که آشلادی بر نخله اوچ قات قلم  
 جکر کوشه خان خاقان نکین  
 او خورشید ایمان و اول نور دین .  
 قولنده اولان سیل جرار ایله  
 قضا ناوکان کمنددار ایله .  
 او کون چکنه دوب، پیل سرکش کبی  
 کیریش کردیلر خصمه آتش کبی .  
 نظر قلیوب، طوپ اژدر وشه  
 سمندر اولوب، طالذیلر آتسه .  
 صالوب پنجه قهری پیلان مست  
 طیامادی چرخ فلک اولدی پست .  
 زهی شیر صولت هزبران غاب  
 که چرخ فلکله اوله پنجه تاب !  
 او طابور که کردوندن ایتزدی باک  
 کریبان کافر کبی، اولدی چاک .  
 او چوب صویولن یاپدی شمشیر تیر  
 او یولدن قویلدی سیوف ستیر .

دلیران سرکش چو کیسوی یار  
 کیروب ایتدیلر دشمنی تارمار .  
 مرصع اکرلی آغار ایله  
 مجوهر کله میرزالر ایله .  
 خصوصاً بهادر آغای دلیر  
 وزیر دلاور امیر و مشیر .  
 سدس حصه در خصمه ششیر هله  
 اولوب آلتیدن صورت مسئله .  
 چکوپ گاه شمشیر و که ششیری  
 اورردی بری بیرینه صفیری .  
 صالوپ اول سپه کوه پوده جنک  
 هجوم ایتش؛ ابر سیاهه پلنک .  
 اولوب نو عروس ظفر طابی  
 صارلمشدی طابوره اژدر کپی .  
 غزایشه خان تهنت همال  
 صف کبر و دار ایجره مانند زال .  
 مبارک باشند او تاج کریم  
 همان قبه سی ایله [ سلطان سلیم ] .  
 اوزرنده خفتان پر کوکبه  
 نوله صالسه ذره سپهره جبه .

نوله اولسه، سرور هوای ظفر  
 او عنقایه ترکش یتر پال و پر.  
 جمالی اولوب، آفتاب التماع  
 کند کره کیر خیط الشعاع.

ایدوب خارق العاده بر ترک تاز  
 قاپوپ خصمی یرتاردی؛ اول شاهباز.  
 سحاب ذره یاغدیروب، غیث خون  
 نکول ایتدی؛ قورشون عدودن بیرون.  
 تفنک اولمش آتش فشان اژدها  
 آغز وزنه سی کژدم پر جفا  
 کوب فالیه طوپه ناکه شرر  
 [ اویور اژدرک قویروغک باصدیلر . ]  
 غضبدن پر آتش اولوب، وقت جنک  
 قتی ایشلر؛ ایتدی طوپ و تفنک .  
 لب طوپدن چیقدی؛ پیچیده دود  
 تفنکه اولوب، صارمه قونداق کبود .  
 دخان ایجره صد پاره مردان کین  
 توتون کاری باصدرمه ایدی همین .  
 اسیر دخان ایدی؛ چرخ دغل  
 [ قبارطای ] چوبوقدر تفنک جدل .



ایچندن چیقان خلقه در خلقه دود  
 آکا تللی برپوسکل اولمش؛ کبود .  
 چیقوب چرخه خپاره آتش صاچار  
 [کوبه بندی جادوی] ازرق مکر!  
 فسان سپهره اولوب؛ کینه دار  
 عجب دیش بیلر خنجر زرنکار .  
 زره چشم حیرت آچوب چون نجوم!  
 قضا قنغی جانبندن ایلر هجوم؟  
 زمان رسم ایدوب؛ مجلس داغ و درد  
 دخان ایله خون؛ سرخ ایله لاجورد .  
 ایدوب خامه دسته چوپي بدست  
 یازاردی قضا باشه خط شکست .  
 می خونی ساقی بزم قدر  
 کوموش طاس مغفرله اوچلر دوکر!  
 یم خون ایدی؛ عرصه گاه مصاف  
 قیلج بالغی تیغ جوشن شکاف .  
 قیلج موج سیال ویم خون آل  
 طوموز بالغی دشمن بدسکال .  
 اودریای خون ایجره خپاره لر  
 دکزده یانار آطه لر در مکر .



اولوب جوی خون عدو پرخروش  
 مکرکیم [ قیرل ایرمق ] ایتشدی جوش .  
 اوجوی ایجره ماهی مرجان وار  
 ملع سرخله خنجر آبدار ،  
 دوینجه اولوب ، مغفر آهنین  
 ایکی کفه در سوق آه وانین .  
 دلکلی سپرلر که مسکت یدی ؛  
 مشبک لکن طوپ صابون ایدی .  
 او مسکت که اعدایه تو بیخدر ؛  
 درخصن اعدایه کالمیخدر .  
 عمل مانده بازولر ایش طوتمه دن  
 زره زده قالدی ؛ دیکش طوتمه دن .  
 [ اوقن آتدی ] ترکش [ یاین آصدی ] قوس  
 [ کیرش قیرمق ] اوزره [ آباق باصدی ] قوس .  
 [ قپاق آتدی ] مغفر اولوب ، زیر پای  
 ویروب فالیه آچلدی طوپ آلائی .  
 نه آدمده طاقت نه آتلرده تاب  
 طوروب صاللانور قیلج ایله رکاب .  
 صقلدی نبرد ایجره خصم شقی  
 تکر و مکر اولدی ؛ طوپ قونداغی

اولنلر که آسوده حال اولدیلر؛  
 و یروب نقد جان مفت قورتلدیلر.  
 اولاشد قجه آلفته مردان دین  
 بوزولدی اولوب منفصل مشرکین.  
 بدنلر اولوب زحدن ناتوان  
 « بیچاق استخوانه طیاندی » همان.  
 آلوب [ آلتی یی ] ششیر سرفراز  
 یاطور بر پر و بالی اشکسته باز.  
 اوروب جوشنه آغزینی بوزدی کز  
 کلنکده بوزنی قیرلدی براز  
 یوزین دوندروب، خنجر رخنه دار  
 سپر آرقه ویردی؛ بقصد فرار.  
 آچلدی، علم طوتدی سمت کریز  
 ییلان آیغی اولدی رخ سیر.  
 قیروب کوستکی رخس صبر و قرار،  
 فرار ایتدی؛ اعدای برکشته کار.  
 علیه اولدی؛ تدیر معکوس [ له ]  
 ینه « قازدیغی قویویه دوشدی » [ چه ]  
 قیلج اکسهدن ایش کسوب، موسقوه  
 دوشوردی بیابانه قره قره

قفادن قودی تیغ آتش نما  
 طیب سپہر اوردی داغ قفا .  
 دکلدر غبار صف کار زار ،  
 [ دومان آتدیریر ] دشمنہ روزکار .  
 فضاہ خیال ایلمہ کرد باد ،  
 طوزوتدی دونه دونه اہل فساد !  
 یاقوب نار تیغ ایلمہ بال و پرین ،  
 صاوردی قضا چرخہ خاکستین .  
 یغلدی کلوب ، اول قدر باش و دل ،  
 زبان قلم وصفہ قادر دکل .  
 سلاسل بکردن ، او بکذا دکان ،  
 کہ زنجیری سروہ بکزر همان .  
 سر دشمنی ایتدی ؛ تیغ ظفر  
 بلا شاہراہندہ نو تودہ لر .  
 بدنلر یاطور ؛ چورہدہ خوار و زار ،  
 سباع خیانہ اولمش ایتدن حصار .  
 ایدوب کوشی و پنیندن اخذ نوال  
 قولاق سفرہ سنہ او طورمش چقال !  
 وکیل خرج اولوب ، مور و مارہ قضا  
 ویریر لہم تعیننی جائجا !

بوقمخ ایله شاد اوندی؛ انس و ملک  
 بوشوق ایله کیردی؛ سماعه فلک .  
 شبانکه سپهر اوزره صانمک نجوم !  
 دلائلک دونما ایدوب، یاقدی موم .  
 ویروب مجلس عشرته آب و تاب  
 هوائی فشکر آتاردی شهاب !  
 قیاس ایتمه، مه مهره اولدی قرین !  
 طوقوشدیردی؛ چرخ ایکی کبش آتشین .  
 دکلدر نمایان اولان کهکشان  
 یول ایتدی؛ سپهر اوزره روحانیان .  
 کوروب ایله صاحلی یلدیز خیال !  
 ایدر زهره رقص الده بر دستمال .  
 بوقمخی کوروب، خان یزدان شناس  
 ایدوب حضرت حقه جدد و سپاس .  
 تقرب مراد ایتدی؛ قربان ایله  
 مساکینه انعام و احسان ایله .  
 اسارایی آزاد ایدوب، یکسره  
 سلامتده کوندردی هرکشوره .  
 ایدرکن بو اعمال ایله اشتغال  
 ورود ایتدی؛ بریک فرخنده فال :


پسندیده منظر مفرح کلام،  
 بکف نامه مغز مشکین ختام.  
 مزایای نازیده سی روح زا،  
 مأل خوش آینده سی دلکشا.  
 مکر اول محللر که طابور شوم،  
 [اوزی] دن پکوب، ایشدی هجوم.  
 مسلح یکر می ایکی پیک سوار  
 مکر بند هنگامه کیر و دار.  
 چیقوب بحر عمان طابوردن.  
 [کفه] سمتنه طوغری طوتمش دومن.  
 مکر بوايمش؛ مقصد فاسدی،  
 نکوهیده اندیشه کاسدی :  
 او اطراف و اکنافی ویزان ایده،  
 دل اهل اسلامی سوزان ایده !  
 خراب ایلوب، شهری اول قوم شوم،  
 دونه لانه جغده اول مزر بوم.  
 بودسیسه یه واقف اولد قده خان،  
 مهن تدارک ایدوب، اول زمان.  
 آرمش جنود ظفر یشه دن  
 بر انبوه پر زور و دشمن شکن.

اولوب جیشه سردار با احترام  
 یکن میرزا؛ شاه قادر، بنام .  
 بوا مره که تمشیت ایتدی مراد  
 همان قیلدی؛ تسمیر ذیل جهاد .  
 شکارین آرار ضیغم نر کبی  
 او وادیلری سوزدی اژدر کبی .  
 بوجاننده قالمشدی خصم رذیل  
 کفه شهرینه کلمکه اللی میل [ آلتی میل ] .  
 یتشدی یکن میرزای دلیر  
 بولود کبی، یاغدیردی باران تیر .  
 هوانک یوزین طوتدی؛ تیر و سپر  
 قیلج حاصل عمره کلش مکر .  
 ذره غیث خون یاغدیریر هچو میغ  
 قیروب دوکدی . خون و سری کرز و تیغ .  
 دوشوب، اوستنه قطره خون آل  
 جبه پول پول اولدی . فرنکی مثال .  
 هجوم ایتدی؛ مانند شیر پله  
 طیانسونمی شیر نره خرکله .  
 عجب اوغراددی دشمن فتنه خیر  
 نه تاب شکیب و نه راه ستیر !



اوروب تیغ و کوپالی اول شهلوند  
 ایپ اولدی؛ اشرّا مثالی کمند.  
 او قوم سیه بخت و برکشته کار  
 یوزی قاره‌سی ایله ایتدی فرار.  
 بونصر جدیدی اورستم منش  
 بازوب حضرت خانه عرض ایلش.  
 ورود ایلدی؛ بومفرح نوید  
 اولوب اهل اسلامه عید اوزره عید.









مطبعة أبو الضياء









PL

248

S225

Z23